



Bosna i Hercegovina
Federacija Bosne i Hercegovine
Zeničko-Dobojski Kanton
OPĆINA BREZA
- Općinsko vijeće -

Broj:01/1-11-732/20
Breza, 21.04.2020.godine

Na osnovu člana 37. stav 3., a u vezi sa članom 38. Zakona o budžetima u Federaciji BiH („Službene novine FBiH“, broj 102/13, 9/14, 13/14, 8/15, 91/15, 102/15, 104/16, 5/18 i 11/19), te člana 13. stav 2. alineja 2. i člana 15. alineja 3. Zakona o principima lokalne samouprave („Službene novine Federacije BiH“, broj 49/06 i 51/09) i člana 19. tačka 3. a u vezi sa članom 109. stav 2. Statuta Općine Breza („Službeni glasnik Općine Breza“, broj 8/09 – Prečišćeni tekst), Općinsko vijeće Breza na prijedlog Općinskog načelnika na sjednici održanoj 21.04.2020. godine, usvaja

O D L U K U

o izmjenama i dopunama Budžeta općine Breza za 2020.godinu

Član 1.

U Budžetu Općine Breza za 2020 godinu (Službeni glasnik Općine Breza broj 11/19 od 30.12.2019 godune) mijenjaju se iznosi na sljedećim budžetskim pozicijama:

Tabela 1.

Iznos u KM

Ekonomski kod	Naziv pozicije	Plan za 2020 god.	Izmjene i dopune za
613100	Putni troškovi	5.000,00	2.500,00
613900	Ugovorene i druge posebne usluge		
	Usluge reprezentacije	35.000,00	20.000,00
	Medicinske i laboratorijske usluge -primarna zdravstvena zaštita	15.000,00	50.000,00
	Sredstva za posebne namjene po Zakonu o spašavanju i zaštiti	26.000,00	50.000,00
614100	Tekući grant Centru za socijalni rad		
	Pomoć socijalno ugroženim pojedincima	35.000,00	65.000,00
614200	Grantovi pojedincima		
	Izdaci za vojne invalide, ranjene borce i porodice poginulih boraca	10.000,00	40.000,00
614300	Grant neprofitnim organizacijama		
	Grant političkim partijama-strankama	30.000,00	0,00
	Sportska udruženja	170.200,00	50.000,00
	Ostala udruženja	90.000,00	30.000,00
614400	Subvencije javnim ustanovama i preduzećima		

	Primarna zdravstvena zaštita	30.000,00	80.000,00
	Biblioteka M.Kantardžić	50.000,00	20.000,00
	Veterinarska stanica	20.000,00	30.000,00
	Subvencije za razvoj poljoprivrede	70.000,00	120.000,00
614500	Subvencije za razvoj poduzetništva i obrta	0,00	80.000,00
615500	Kapitalni grant JU Obdanište U.Č	10.000,00	0,00
	Kapitalni grant JU Veterinarska stanica Breza	15.000,00	5.000,00
	Kapitalni grant JP Komunalno Breza	135.000,00	93.700,00
821200	Nabavka građevina		
	Putevi i mostovi	481.872,90	481.872,90
821300	Nabavka opreme		
	Fiksna oprema	0,00	10.000,00
821500	Nabavka stalnih sredstava u obliku prava		
	Osnivačka ulaganja	120.000,00	100.000,00
	Iznos za saniranje deficita	150.000,00	100.000,00
999000	Budžetska rezerva	50.000,00	120.000,00
	UKUPNO IZMJENE	389.000,00	389.000,00

Član 2.

Ova Odluka stupa na snagu danom donošenja, a biće objavljena u Službenom glasniku Općine Breza.

PREDSJEDAVAJUĆI
Općinskog vijeća
Memsud Kadrić, s.r.

Bosna i Hercegovina
Federacija Bosne i Hercegovine
Zeničko-dobojski kanton
OPĆINA BREZA
Općinsko vijeće

Na osnovu člana 12. stav 3. Zakona o vodama Zeničko-dobojskog kantona („Službene novine Zeničko-dobojskog kantona“, broj:17/07), Člana 9. Stav 1. Zakona o komunalnim djelatnostima Zeničko-dobojskog kantona (Službene novine Zeničko-dobojskog kantona“, broj: 17/08) i člana 19. tačka 2. i 7. Statuta Općine Breza („Službeni glasnik Općine Breza“, broj: 8/09-prečišćeni tekst), Općinsko vijeće Breza, na sjednici održanoj dana 21.04.2020. godine, d o n o s i

O D L U K U

o prenosu prava upravljanja i korištenja izgrađenog vodnog objekta za iskorištavanje voda za vodosnabdijevanje „Vodovod za naselje Slivno“ na Javno preduzeće „Komunalno“ d.o.o. Breza

Član 1.

Ovom Odlukom se prenosi pravo upravljanja i korištenja izgrađenog vodnog objekta za iskorištavanje voda za vodosnabdijevanje „Vodovod za naselje Slivno sa izvorišta Zmajevac“, sa Općine Breza na Javno preduzeće „Komunalno“ d.o.o. Breza, a koji se sastoji od vodozahvata Zmajevac sa pumpnom stanicom Zmajevac, potisnog cjevovoda, pumpne stanice sa rezervoarom 8 m³ Lipovača, rezervoara 30 m³ Lipovača, pumpne stanice sa rezervoarom 8,5 m³ Hrasno, rezervoara 100 m³ Crni vrh i sekundarne mreže u naselju Slivno i platou Hrasno.

Izgrađeni vodni objekat posjeduje zakonom propisanu građevinsko-tehničku dokumentaciju i ista će u postupku prenosa prava upravljanja i korištenja biti predata Javnom preduzeću „Komunalno“ d.o.o. Breza.

Član 2.

Pravo upravljanja i korištenja vodnog objekta iz prethodnog člana daje se JP „Komunalno“ d.o.o. Breza, sve dok isto kao javno preduzeće u vlasništvu općine Breza obavlja poslove vodosnabdijevanja.

Član 3.

Vrijednost vodnog objekta iz člana 1. Ove Odluke utvrđena je na osnovu finansijske dokumentacije o ulaganjima u iznosu od: 872.617,66 KM (osamstosedamdesetdvijehiljadešestosedamnaest i 66/100 konvertibilnih maraka), a ista će se koristiti za potrebe vođenja materijalnog i finansijskog knjigovodstva i obračuna amortizacije, u skladu sa međunarodnim računovodstvenim standardima (MRS) i drugim propisima.

Član 4.

Općina Breza zadržava pravo vlasništva na predmetnom vodnom objektu, a na JP „Komunalno“ d.o.o. Breza se prenosi pravo upravljanja i korištenja, bez prava otuđenja i opterećenja.

Član 5.

JP „Komunalno“ d.o.o. Breza je dužno objekte iz člana 1. ove odluke održavati u funkcionalnom stanju i koristiti ih u skladu sa njihovom prirodom i namjenom, a sve u skladu sa odredbama Zakona o vodama Zeničko-dobojskog kantona, Zakona o komunalnim djelatnostima Zeničko-dobojskog kantona i podzakonskim aktima koji su doneseni na osnovu ovih zakona.

Član 6.

Međusobni odnosi JP „Komunalno“ d.o.o. Breza i korisnika komunalne usluge vodosnabdijevanja će se regulisati zaključivanjem ugovora, prije priključenja korisnika na vodovodnu mrežu, s tim da se oslobađaju od takse na priključak oni korisnici koji su finansijski podržali realizaciju projekta u iznosu od 130,00 KM i više, što će dokazati potvrdom Mjesne zajednice Slivno.

Svi drugi korisnici dužni su izmiriti obaveze koje proizilaze iz priključka na vodovodnu mrežu, uz obavezu da uplate na račun Mjesne zajednice Slivno (namjenski račun za finansiranje izgradnje komunalne infrastrukture), iznos proporcionalan učešću korisnika iz stava 1. ovog člana, a u skladu sa Odlukama građevinskog odbora Mjesne zajednice Slivno.

Član 7.

Daje se ovlaštenje Općinskom načelniku da imenuje komisiju koja će izvršiti primopredaju vodnog objekta i dokumentacije iz člana 1. ove Odluke između Općine Breza i JP „Komunalno“ d.o.o. Breza.

Član 8.

Ova Odluka stupa na snagu danom objavljivanja u "Službenom glasniku općine Breza".

Broj: 01/1-02-741/20
Breza, 21.04.2020.godine

PREDSJEDAJUĆI
Općinskog vijeća
Memsud Kadrić, s.r.

Bosna i Hercegovina
Federacija Bosne i Hercegovine
Zeničko-Dobojski Kanton
OPĆINA BREZA
Općinsko vijeće

Na osnovu člana 19. stav 1. tačka 19. Statuta Općine Breza ("Službeni glasnik Općine Breza", broj: 8/09 – Prečišćeni tekst), člana 23. Statuta Javnog preduzeća „Komunalno“ d.o.o. Breza, broj: 1157-07-05-33-2/18 od 07.05.2018. godine a u vezi sa članom 9. Odluke o usklađivanju statusa Javnog preduzeća „Komunalno“ d.o.o. Breza sa Zakonom o javnim preduzećima u Federaciji Bosne i Hercegovine i Zakonom o privrednim društvima („Službeni glasnik Općine Breza, broj: 11/17) Općinsko vijeće Breza na sjednici održanoj dana 21.04.2020. godine, d o n o s i

ZAKLJUČAK

I

DAJE SE SAGLASNOST Hasanspahić Salihu, pomoćniku načelnika za privredu, da u ime Osnivača a na prijedlog Općinskog načelnika predsjedava na 3. (trećoj) vanrednoj sjednici Skupštine JP „Komunalno“ d.o.o. Breza koja će se održati dana 30.04.2020. godine.

II

Dnevni red 3. (treće) vanredne sjednice Skupštine JP „Komunalno“ d.o.o. Breza je:

1. Donošenje Odluke o konačnom imenovanju člana Nadzornog odbora JP „Komunalno“ d.o.o. Breza

III

Prilikom glasanja po predloženim tačkama Dnevnog reda, ovlašteni punomoćnik će glasati:

- za prijedlog Odluke o konačnom imenovanju člana Nadzornog odbora JP „Komunalno“ d.o.o. Breza.

IV

Zaključak objaviti u „Službenom glasniku Općine Breza“.

Broj: 01/1-02-751/20
Breza, 21.04.2020.

PREDSJEDAVAJUĆI
Općinskog vijeća
Memsud Kadrić,s.r.

Bosna i Hercegovina
Federacija Bosne i Hercegovine
Zeničko-Dobojski Kanton
OPĆINA BREZA
Općinski načelnik

Broj:01/2-11-688/20
Datum:02.04.2020 godine

Na osnovu Odluke Vlade Federacije BiH o proglašenju stanja nesreće uzrokovane Coronavirusom (COVID 19) na području Federacije BiH član 2. Stav I (Odluka Vlade FBiH broj 408/2020 od 16.03.2020 godine.), člana 36. Zakona o budžetima - proračunima u Federaciji BiH ("Sl.novine FBiH" broj: 102/13,9/14,13/14,8/15,91/15,102/15,104/16,5/18 i 11/19), člana 37.Statuta Općine Breza (Sl. Glasnik općine Breza broj 8/09-Prečišćeni tekst) i člana 7. Odluke o izvršavanju Budžeta općine Breza za 2020 godinu (Službeni glasnik općine Breza br. 11/19) Općinski načelnik donosi:

O D L U K U
O OBUSTAVLJANJU IZVRŠAVANJA POJEDINIH RASHODA BUDŽETA
PLANIRANIH NA BUDŽETSKIM STAVKAMA ZA 2020 GODINU

Član 1.

Ovom Odlukom uređuje se obustavljanje izvršavanja pojedinih rashoda i/ili izdataka u trajanju od 45 dana.

Član 2.

Općinski načelnik može:

1. zaustaviti preuzimanje obaveza i/ili
2. predložiti produženje ugovorenih rokova plaćanja i/ili
3. zaustaviti preraspodjelu budžetskih sredstava potrebnu radi preuzimanja obaveza.

Član 3.

Član 2. će biti primjenjen na sve stavove Budžeta općine Breza za 2020 godinu ukoliko ne remete:

- 1.nabavku sredstava i opreme u suzbijanju i zaštiti od COVID-19, Corona virusa
- 2.sredstva za funkcionisanje organa uprave i javnih preduzeća i ustanova na području Općine Breza
3. podrška socijalno ugroženom stanovništvu
- 4.sredstva za podršku u održavanju privrednih subjekata

Član 4.

Zadužuju se Općinski načelnik i sve Službe Organa uprave za realizaciju Odluke.

Član 5.

Općinski načelnik je dužan obavijestiti Općinsko vijeće odmah nakon donošenja Odluke.

Član 6.

Ova Odluka stupa na snagu danom donošenja, a primjenjuje se na Budžet za 2020 godinu.

Član 7.

Odluku objaviti u Službenom glasniku općine Breza.

Općinski načelnik
mr.sci.Munib. A. Zaimović,s.r.

S A D R Ź A J

- 285. Odluka o izmjenama i dopunama Budžeta Općine Breza za 2020.godinu.
- 286. Odluka o prenosu prava upravljanja i korištenja izgrađenog vodnog objekta za iskorištavanje voda za vodosnabdijevanje „Vodovod za naselje Slivno“ na Javno preduzeće „Komunalno“ d.o.o. Breza.
- 288. Zaključak o davanju saglasnosti Hasanspahić Salihu, pomoćniku načelnika Za privredu, da u ime Osnivača a na prijedlog Općinskog načelnika predsjedava na 3. (trećoj) vanrednoj sjednici Skupštine JP „Komunalno“ d.o.o. Breza.

Akti Općinskog načelnika

- 289. Odluka o obustavljanju izvršavanja pojedinih rashoda Budžeta planiranih na Budžetskim stavkama za 2020. godinu.



Izdavač: Općina Breza, Stručna Služba Općinskog vijeća, Ulica Bogumilska br.1. telefon: 786-029, fax: 786-031.